

SARS E FIHLELETŠE KATLEGO KA GO ŠIRELETŠA INTASTERI YA DILOGWA

Tshwane, 10 June 2022 - Ditirelo tša Motšhelo tša Afrika Borwa (SARS) di amogela kahlololelo ya Kgorotsheko ya Kgotlakgolo ya Boipiletšo (SCA) yeo e tiišeditšego gore ditshepetšo tša yona le tokelo ya go tshwara dithoto tšeo di laodišitšwego ka fao go sego maleba ge di tshela mellwaneng ya Afrika Borwa.

Mo kgetsing yeo e bego e le ya *Khomišinare ya Ditirelo tša Motšhelo tša Afrika Borwa le Ba bangwe kgatlhanong le Dragon Freight (Pty) Ltd le Ba bangwe* ya letšatšikgwedi la 7 June 2022, SCA e begile ka ga morero wa tagafara ya SARS go ya ka Molao wa Khasetomo le Motšhelophahlogae. Mo morerong wo thulaganyo ya kgopelo e ile ya tlhongwa go ya ka sephetho sa SARS sa go tshwara, go ya ka karolo ya 88(1)(c) ya Molao wa Khasetomo le Motšhelophahlogae, 19 wa 1964 (“the Customs Act”), dikhontheina tše 19 di tlišitšwego mo nageng go tšwa China tšeo di bego di sa laodišwa ka tsela ya maleba bakeng sa makgetho a khasetomo ka tlišogae. Dikhontheina tše di be di swere dilogwa le dithoto tša diaparo, tšeo di ilego tša bonwa ka entšene ya elektroniki ya kotsi, yeo e akanyeditšwego go lwantšhana le bomenetša le ditiragalo tše d sego molaong, tšeo di ilego tša nyakišišwa go ya pele ke bašomi ba Khasetomo.

Kgakgano ka go SCA go tšwa go Bafetodi e bile gore sephetho sa SARS se swanetše go beelwa thoko ka mabaka a “ditshepetšo tše sa lokang, di se nago kelello le go se loke”. SCA e tloga e ganane le ngangišano ye, gomme ya raga sephetho sa pele sa Kgorotsheko Kgolo ka kgaugelo ya agente le bagwebi gomme ya tšweletša taelelo ya tefišo ka kgaugelo ya SARS. SCA e laoletše gore SARS e šomile go ya ka tagafara ya yona, gore SARS e tšere magato a ditshepetšo tša semolao ka paale le gore SARS e šomile go ya ka bohlatse bjo bo kgobokeditšwego.

Tlišogae ya dithoto le dilogwa (“CTFL”) e goletše godimo go tloga ge temokrasi e thoma ka lebaka la khwetšagalo ya theko e fase ya dithoto tša go tšweletša dithoto ka ntle ga Afrika Borwa. Mo mengwageng ya go feta, go bile le dikakanyo tše kgolo ka ga diaparo tša tlišogae yeo e sego molaong le dithoto tša dilogwa ka Afrika Borwa.

Kgetsi ye ke sešupo se bohlokwa sa go laetša gore SARS e dira mošomo wa yona go hola Afrika Borwa le batho ba yona gape ke segopotšo sa gore SARS e tšea karolo e kgolo go ikonomi. Kahlololelo e tiišetša gore SARS e ikemišeditše go phethagatša tagafara ya yona ya go laola tlišogae ya dithoto tše itšeng to thekga le go tšwetšapele ditebo tša pholisi ya ikonomi e kgolo tša Mmušo.

SARS e tloga e ikgafetše go ditirelo tše kaone kaone gomme se se akaretša go se thibelwe ke ditsheko tša kgatelelo tšeo di sa hlomphego mohlako wa ikonomi ya naga.

SARS e ikgafetše go tagafara ya yona ya go thibela efogo ya motšhelo gape e tiišetša temošo ya yona go bagwebi bao ba sa obamelego le diagento tša phetišo ba ganane le ditlwaetšo tša taodišo ya maaka ka maitekelo a go foronyaka mmušo ka seo se swanetšego fisikase.

Kamego ya ditiragalo tšeo di sego molaong tša tlišogae di akaretša go fana ka ditlankana tša tefišo ya fase ka lebaka la ditseno tša fasana ka go fisikase ka lebaka la gore makgetho ka moka a khasetomo le motšhelo wa boleng bja go oketšwa (VAT) ka lebaka la gore mmušo o a lefelwa, le go amana le kgwebo ya go se lefele botse ditlankana.

Khomišinare wa SARS Mrn. Edward Kieswetter o tlhagišitše maikutlo a go kgotsofala ka sephetho se se bohlokwa. O boletše gore, “Go bile le maitekelo a mantši go tšwa go bao ba amanago le ditiragalo tše di sego molaong go thekga maano ao a beilwego ke mmušo bakeng

sa di intasteri tša mo nageng fao kgogolo ya bokgoni bja tšweletšo mo nageng e latelwa ke tahlegelo ya mešomo, kudu ka go sektara ya selegae ya tšweletšo. Se se kgaoletša bokgoni bja mmušo bja go gola le go tihola mešomo gomme e lebiša go phadišano yeo e sego ya paale bakeng sa kgwebo ya nnete”.

Ka sephetho, o rile, “SARS e tšwelapele go šomana le bokgoni bja yona bja go latediša maitshwaro a go se obamele, gomme e tla dira ka mo e ka kgonago go lefiša dikotlo tša godimo go bao ba sa obamelego, mola e nolofatša kgwebo ya paale”.

Mafelelong, Khomišinare o lebogile Kgoro ya Kgwebo, Intasteri le Phadišano, intasteri ya dilogwa le diaparo le Yunione ya Kgwebo ka go sektara bakeng sa dikabelo tše bohlokwa ka go katlego ye.

Go hwetša tshedimošo enngwe, ikgokaganye le SarsMedia@sars.gov.za